



Kementerian  
Alam Sekitar dan Air

# KOLEKSI PUISI

# ALAM SEKITAR

*Alam Sekitar, Tanggungjawab Bersama*



HAKCIPTA

Koleksi Puisi Alam Sekitar

Jabatan Alam Sekitar

© 2021, Jabatan Alam Sekitar

Bahagian Komunikasi Korporat

Aras 1, Podium 3,

Wisma Sumber Asli,

No.25, Persiaran Perdana,

**I. BAHAGIAN PENGUATKUASAAN**

- a) Jangan Lupakan Sungai 1  
*Mai Zainatun*
- b) Indahnya Alam 2-3  
*Lina Halim*

**II. BAHAGIAN KOMUNIKASI STRATEGIK**

- a) Alam Ini 4  
*Komstra Team*
- b) Alam Ternoda 5  
*AM*

**III. JAS KUALA LUMPUR**

- a) Hanya Pinjaman Tuhan 6  
*Wan Nur Fadzlina Wan Md Najib*
- b) Bila Bumi Berbicara 7  
*Nor Iwani Basri*
- c) Alamku 8  
*Kalana Drahman*

**IV. JAS PULAU PINANG**

- a) Sungai 9  
*Nor Maizatul Akhmar binti Abdul Jalil*
- b) Catatan Si Penjaga Alam I: Cerita Kita 10  
*Sharifah Zakiah Syed Sahab*
- c) Catatan Si Penjaga Alam II: Si Baju Hijau 11  
*Sharifah Zakiah Syed Sahab*
- d) Catatan Si Penjaga Alam III: Kita dan Alam 12  
*Sharifah Zakiah Syed Sahab*
- e) Catatan Si Penjaga Alam IV : Kisah Alam 13  
*Sharifah Zakiah Syed Sahab*
- f) Si Angkuh 14  
*Noor Idawati binti Ahmad*

**V. JAS SELANGOR**

- a) Titik Noktah 15  
*JAS Selangor*
- b) Dengarlah Pesanku 16  
*Mohd Shahir*

**VI. JAS PERLIS**

- a) **Suara Alam** 17  
*Rosalinda binti Hussin*
- b) **Kau dan Alam** 18  
*Zulkifli bin Ahmad*
- c) **Jangan....Jangan....Jangan** 19  
*Munauwar bin Mansor*
- d) **J.A.S** 20  
*Himpunan Warga Jas Perlis*
- e) **Bagaikan Bumi Bersabda** 21  
*Himpunan Warga Jas Perlis*

**VII. JAS JOHOR**

- a) **Bumi dan Langit Milik Insani** 22  
*MASK*
- b) **Kalaulah** 23  
*Mohd Noor Emran bin Amir*
- c) **Khalifah Alam** 24  
*Mohd Amin bin Ghazali*
- d) **Bumi** 25  
*Muhammad Johan Iskandar Zahari*

**VIII. JAS MELAKA**

- a) **Pusaka Alam Rimba** 26  
*Warga JAS Melaka*
- b) **Sungai Menangis** 27  
*Alinshahana*

**IX. JAS SARAWAK**

- a) **Sungai Yang Sepi** 28  
*Hamzah*
- b) **Hutan** 29  
*Abidi*
- c) **Melihat Ke Langit Belaga** 30  
*Abdul Mazli Hafiz Abdul Malik*
- d) **Surat Kecil Dari Bintulu** 31  
*Abdul Mazli Hafiz Abdul Malik*
- e) **Pesan Pada Kawan** 32  
*Abdul Mazli Hafiz Abdul Malik*
- f) **Sepetang Di Tanjung batu** 33  
*Abdul Mazli Hafiz Abdul Malik*
- g) **Lara Sang Alam** 34  
*Rozeiman Mat*

**IX. JAS SARAWAK**

- a) **Syair Alam Sejahtera kita Bahagia** 35  
*Rozeiman Mat*
- b) **Perjuangan** 36  
*Ibrahuim Putit*

**X. JAS NEGERI SEMBILAN**

- a) **Langit Biru, Bumi Hijau** 37  
*Junaidah Hussin*
- b) **Hutan Dinodai** 38  
*Abdullah Mustafa*

**XI. JAS SABAH**

- a) **Corona Hijau** 39  
*Amirul bin Aripin*

**XII. JAS KEDAH**

- a) **Nota Cabaran 2021** 40  
*MFS*
- b) **Mentari Senja** 41  
*M Sah*
- c) **Alam** 42  
*M Sah*
- d) **Air** 43  
*M Sah*
- e) **Lagu Alam...Aku Rindu** 44  
*Izah Saad*

**XIII. JAS PERAK**

- a) **Hijau Ku Rindu** 45  
*Tun Teja*
- b) **Percuma Yang Tidak Ternilai** 46-47  
*Harmanisham bin Ishak*

**XIV. JAS LABUAN**

- a) **Apa Lagi Yang Tersisa** 48  
*Muhammad Nadzmi bin Zamri*
- b) **Kongsi** 49  
*Muhammad Nadzmi bin Zamri*

**XV. JAS PAHANG**

- a) **Khalifah** 50  
*Jas Pahang*



## *Jangan Lupakan Sungai*

Tika sungai mengalir tenang  
Hatinya sering terusik  
Nasibnya tidak pasti  
Kadang bersih, kadang dicemari  
Penggunanya terkesan  
Menjerit perih mencari yang bersih  
Dalam diam mereka menangis  
Sungai mati tiada daya  
Pasrah berharap kepada Maha Berkuasa

Wahai manusia di segenap lapis  
Peliharalah sungai  
Jangan lupakan sungai  
Itu tanda nikmat disyukuri  
Sungai yang bersih  
Hadiah buat anak, cucu, cicit

Pentadbir negara, negeri dan daerah  
Para jurutera, ahli sains dan ahli ekonomi  
Para penguatkuasa, perancang bandar,  
Pengurus industri, pemaju projek, penternak dan operator loji,  
Ayuh segera bincang dan pakat  
Menimbang tara keperluan dan wajaran  
Dengan tekun dan tuntas disulami ikhlas  
Jangan lupakan sungai

Hakikat kebenaran usah disangkal  
Tanpa mengira pangkat dan darjat  
Tiap kita kembali muhasabah

Bahawa air itu sumber kehidupan  
"...dan Kami jadikan dari air, tiap-tiap benda yang hidup,  
maka mengapa kamu tidak mahu beriman?"  
(Surah Al-Anbiya' ayat 21)

*Mai Zainatun  
Bahagian Penguatkuasa*





## *Indahnya Alam*

Dari kejauhan  
Ku dengari aliran air  
Menghempas batuan demi batuan  
Memecah kesunyian alam  
Semakin aku melangkah..

Ku lihat  
Air mengalir jernih  
Berlatar kehijauan alam  
Burung-burung berkicauan  
Unggas hutan berterbangan  
Awan putih bagaikan corak di hamparan biru  
Oh.. Indahnya alam ini

Sungguh aman..  
Sungguh tenang..  
Sungguh damai..


Kini..  
Kehidupan diulit kemewahan dunia  
Bangunan tumbuh bagai cendawan  
Segala nikmat di hujung jari

Namun..  
Syurga alam menjadi taruhan  
Segala bakal menjadi kenangan..

Ku termenung sejenak..  
Salah siapakah ini?  
Inikah harga sebuah kemajuan?  
Adakah ini dikatakan arus kemodenan?  
Inikah alam untuk hari tua?  
Aku pasrah...

Di sudut hati  
Jiwaku meronta..  
Bertalu soalan di benak fikiran

Mencari-cari jawapan..  
Di manakah tanggungjawab kita?





Nikmat alam manakah yang kita dustakan?  
Bangkitlah!  
Lihat dan bukalah mata hatimu!

Alam ini suatu anugerah  
Alam ini suatu amanah  
Alam ini adalah tanggungjawab

Yang perlu kita hargai  
Yang perlu kita jagai  
Marilah kita berganding bahu

Marilah kita bersatu hati  
Demimu kedamaian.. Ketenangan..

Semoga kenangan  
Kekal menjadi realiti indah...  
InsyaAllah...

*Lina Halim*  
*Bahagia Penguatkuasa*





## *Alam Ini*

Alam ini  
Anugerah tuhan  
Satu amanah  
Satu watakah  
Untuk kita nukilkan  
Menjadi apa yg kita fikirkan

Alam  
Kini kau menangis  
Tiada siapa  
Mendengar rintihan mu  
Alam ini di robek  
Oleh tangan tangan durjana

Sedihnya alam  
langit kini menyaksikan  
Kemusnahan alam,  
banjir melanda  
Tanah runtuh dimana mana  
Angkara siapa??

Bukankah kita yang diamanahkan  
Bukankah kita yang diwatakahkan  
Bukankah kita yang patut memikirkan  
tapi ... kita juga yang menangisi akan kemusnahan ini...

Penghuni alam ...  
Bangkit dan sedarlah  
Ayuh ! Kita mara bersama  
Memulih mana yang telah cemar  
Mengekang mana yang belum noda  
sebelum kita meninggalkannya,  
"Alam sekitar ,tanggungjawab bersama"

*Komstra Team*  
*Bahagian Komunikasi Strategik*





## *Alam Ternoda*

Betapa indah dan damainya alam ini  
Kaya dengan Hutan lebat nan hijau,  
Dengan kepelbagaian tumbuhan unik di dalamnya.  
Dengan ciptaan yang indah dan tenang

Gunung-gemunung yang tinggi menjulang  
Ketinggiannya mencakar langit  
Laut biru yang amat luas seluas mata memandang

Namun... Tangan-tangan manusia dengan seenaknya merusak alam  
Merobek keindahan yang tiada tandingannya  
Pohon-pohon ditumpas habis tak bersisa

Sungai-sungai dinoda dengan pelbagai sampah hinggakan tercemar  
Hutan-hutan dibakar habis tak keruan,  
Hinggakan haiwan-haiwan hilang habitatnya

Mengapa manusia merosak alam?  
Bukankan alam sendiri yang menyediakan keperluan manusia?  
Jika terus dibiarkan rosak manusia akan menerima natijahnya.

*AM*  
*Bahagian Komunikasi Strategik*





## *Hanya Pinjaman Tuhan*

Indah,  
Permai hijau,  
Saujana pandangan mata,  
Sepoi angin biru ombak tenang jiwa,  
Hanya tinggal kenangan,

Hari demi hari,  
Kian lemah,  
Tiada lagi paksi akar pohonan,  
Sampah kotor sebagai makanan,  
Sisa Toksik sebagai minuman,

Tangan yang membinasa,  
Haloba harta yang diangan,  
Nafsu yang tak pernah kurang,

Bumi kini sukar bernafas!,  
Bumi perlukan bantuan!,  
Bantuan insan yang waras akal dan budi,  
Insan yang menyayangi dengan hati,  
Insan yang punyai akhlak peribadi tinggi,

Ayuh bangkit wahai teman!,  
masih belum terlewat untuk selamatkan,  
Akal dan fikiran Kurniaan Tuhan jangan disiakan,  
Bumi ini hanya pinjaman,  
Bimbang tiada jawapan di hadapan Tuhan kelak,

Ayuh semua bersatu hati!,  
Selamatkan bumi,  
Sebelum Tuhan lebih murka,  
Kelak Binasa besar bakal terjadi.

*Wan Nur Fadzlina Wan Md Najib  
JAS Kuala Lumpur*





## *Bila Bumi Berbicara*

Aku..bintang yang istimewa,  
Bintang yang memilik segala kelebihan,  
Tuhan mengurniakan kepadaku air, udara dan kehidupan..  
Manusia, pepohonan, binatang berdiri megah di atas ku..  
Aku berpaksikan siang dan malam tanpa lelah..

Meniti hari..kini..  
Aku makin tua..  
Aku makin lelah..  
Aku makin sakit..

Akibat menjadi mangsa kerakusan manusia yang jahil dan tamak..  
Udara bersih yang diberi percuma dinodai..  
Pepohonan menghijau sumber jantung berdegup ditebang..  
Air bersih jernih untuk hidup dicemari..  
Bukit bukau sebagai pasak memaku diriku dirobuhkan..

Aku tidak dimanfaatkan sebaik-baiknya..  
Aku mula marah..  
Sebagai bahasa marahku kepada manusia aku berbicara..  
Nah..banjir..rasakan..!  
Nah..tanah runtuh..rasakan..!  
Nah..ribut taufan..rasakan..!  
Nah..tsunami..rasakan..!

Wahai khalifah yang diberi akal sempurna..  
Masihkah kalian tidak memahami aku berbicara.???

*Nor Iwani Basri*  
*JAS Kuala Lumpur*





## *Alamku*

Alamku,  
Dulunya kau indah berseri,  
Udaramu nyaman dan mewangi,  
Sungaimu segar dan kejernihan,  
Pantaimu nan memutih salju,  
Hutanmu hijau berbunga,  
Bumimu yang berganang tinggi ke awan.


Alamku,  
Kini kau kian using,  
Air matamu ada racun,  
Hijaumu kian luntur,  
Segarmu sangat menyesakkan,  
Keputihan yang tiada lagi seri,  
Sungai-sungaimu cuma tinggal nama,

Alamku,  
Sedarlah olehmu,  
Manusia bukan lagi sahabat,  
Tangisanmu tawa si durjana,  
Kekecewaanmu santapan si pengemis kaya,  
Dikudung dan disiat sedapatnya,  
Diinjak-injak dan diratah sepuasnya,  
Hanyir bandanmu disimbah racun,

Alamku,  
Aku tahu kau selalu murka,  
Namun hatimu tetap sabar dan redha  
Kerana kau tahu,  
Takdirmu telah ditentukan,  
Kerana kau tahu,  
Kau juga mahluk tuhan,

Alamku,  
Walaupun aku kerdil,  
Aku tetap berjanji,  
Akanku jaga hati dan perasaanmu,  
Agar kau masih tersenyum,  
Walau hatimu masih curiga dan berduka,  
Kerana ku mahu kau menjadi waris anak-anak bangsaku..

*Kalana Drahman*  
*JAS Kuala Lumpur*





## *Sungai*

Sejuknya dikau membuai diriku,  
Merdunya suaramu bak irama lagu,  
Airmu Tenang damaikan jiwaku,  
Airmu jernih memukau kalbu.

Itu semua hanya kenangan,  
Yang mampu terpahat dalam ingatan ,  
Generasi sekarang tidak mungkin merasakan,  
Indahnya panorama ciptaan Tuhan.

Rakusnya manusia tiada fikiran,  
Dirimu kini mangsa keadaan,  
Di campaknya sampah tiada kasihan,  
Asid dan minyak dibuang sembarangan.

Lelahnya dirimu dengan karakusan,  
Di cemari hingga tiada kesudahan,  
Dahulunya jernih dan mendamaikan,  
Sekarang keruh dan menyakitkan ,

Demi generasi yang akan datang,  
Dirimu harus diperjuang,  
Hentikan pencemaran dari kilang-kilang,  
Buangan sampah dan sisa terlarang,

Bagi memastikan dikau terpelihara,  
Sikap cakna perlulah ada,  
Hapuskan kerakusan si durjana,  
Agar kau tenang bak dahulu kala,

*Nor Maizatul Akmar binti Abdul Jalil.  
IAS Pulau Pinang*





## *Catatan Si Penjaga Alam I Cerita Kita*

Hadirmu belum tentu dihargai,  
Bicara mu bukan semua memahami,  
Kadangkala kau dianggap pengegang ekonomi,  
Sabar saja, tak perlu kecil hati,

Tugas mu penuh cabaran,  
Menjaga udara, darat serta lautan,  
Harapan masyarakat usah dipersiapkan,  
Walau dirimu kadang kelelahan,

Hari libur mu bukan hak hakiki,  
Seringkali ada tanggungjawab menanti,  
Ikhlaslah saja masa yang dilewati,  
Agar amanah suci dapat dipenuhi,

Dirimu bukan anti pembangunan,  
Kemajuan negara perlu untuk kelangsungan,  
Namun tiap rancangan perlu penelitian,  
Agar hak generasi akan datang tidak diketepikan,

Marilah kita ingat mengingati,  
Bahawa bumi ini semakin mati,  
Bangkitlah semua untuk saling menjagai,  
Agar lestari kehidupan di bumi,

Teruskan bersuara walau kadang tak didengari,  
Kerana perjuangan mu bukan untuk sehari,  
Dugaan dan cabaran silih berganti,  
Pasti akan ada hati-hati murni yang mengerti,

*Sharifah Zakiah Syed Sahab  
IAS Pulau Pinang*





## *Catatan Si Penjaga Alam II* *Si Baju Hijau*

Seragam hijau itu telah kau sarungkan,  
Soldadu mu hanya ada sebarisan,  
Isu pembangunan, kesedaran dan penguatkuasaan,  
Semuanys harus kau lunaskan,

Bertabahlah wahai penjaga-penjaga alam,  
Api semangatmu usahlah padam,  
Kegigihan dan integriti harus kau sulam,  
Pasti ada sinar selepas kelam,

Segenap pelusuk dan perusahaan engkau jelajahi,  
Segala ancaman dan kepayahan kau tolak tepi,  
Semoga wira wira ku terus berani,  
Doa dipanjat kepada Ilahi,

Jangan berundur walau kau letih,  
Bersyukurlah kau antara insan terpilih,  
Menyantuni alammu agar sentiasa bersih,  
Yang tercemar pasti kembali pulih,

Usah sedih dilempar kritikan,  
Kerja ikhlas tak perlu puji pujian,  
Disebalik kesulitan pasti muncul kefahaman,  
Itu lah hadiah indah sebuah pengorbanan.

*Sharifah Zakiah Syed Sahab*  
*JAS Pulau Pinang*





## *Catatan Si Penjaga Alam III Kita dan Alam*

Langit nan biru kian berjerebu,  
Sungai yang deras kini mengalir lesu,  
Hutan menghijau akhirnya lengang berdebu,  
Hujan lebat pasti membawa lumpur kelabu,

Apakah lagi yang kau cari wahai manusia,  
Puaskah hati mu melihat alam binasa,  
Hingga tiada apa tersisa,  
Untuk kau tinggalkan kepada waris tercinta,

Para pentadbir dan pembuat keputusan,  
Gunakanlah kuasamu penuh kebijaksanaan,  
Usah wang ringgit saja jadi pertimbangan,  
Harta benda takkan berkekalan,

Wahai usahawan tetapkan wawasan,  
Tiap pembangunan harus ada keseimbangan,  
Jangan poketmu saja jadi ukuran,  
Derita masyarakat tidak kau hiraukan,

Kepada hartawan juga dermawan,  
Hulurlah tangan mu memberi bantuan,  
Pasti gembira melihat alam sempurna jagaan,  
Budi baikmu nescaya ada balasan,

Kepada ilmuwan ingin ku pesan,  
Dadamu penuh pelbagai pengetahuan,  
Taburlah jasamu memberi bimbingan,  
Ilmu bermanfaat jangan kau simpan,

Wahai para penguasa berjawatan,  
Yang baik kau hulurlah penghargaan,  
Yang jelik kau susulilah tindakan,  
Sampai masa amanah itu akan dipersoalkan,

Pesanan ikhlas buat adik adik ku,  
Jangan kau alpa akan perananmu,  
Kerana generasi mu bakal jadi penentu,  
Dalam tanganmu terletak halatuju,

Aku, dia dan kamu ada peranan,  
Memasti bumi kekal dalam kelestarian,  
Moga timbul satu kesedaran,  
Di sanubari setiap insan.

*Sharifah Zakiah Syed Sahab  
IAS Pulau Pinang*





## *Catatan Si Penjaga Alam IV* *Kisah Alam*

Kulihat sungai itu lesu mengalir  
Dari hulu mudik ke hilir  
Mrbawa segala kotor dan lendir  
Bilakah derita mu sungai akan berakhir

Ku dengar sang raja rimba menjerit kelaparan  
Barang kali sudah putus bekalan makanan  
Gara gara habitatnya makin berkurangan  
Melestari hutan hanya tinggal angan-angan

Ku lihat sang burung penghijrah itu  
Terbang ke sana sini tidak menentu  
Mencari persinggahan lama tidak ketemu  
Hutan bakau sudah menjadi kota batu

Ku lihat anak kecil itu  
Nafas tersekat di paru paru  
Sesak menyedut asap jerebu  
Namun pesta pembakaran masih berlaku

Ku dengar orang asal merintih  
Meniti kehidupan penuh sedih  
Mencari sesuap nasi penuh jerit perih  
Air minumnya juga tidak lagi jernih

Ku lihat nelayan tua itu  
Duduk termangu tiada arah tuju  
Merengung laut yang tidak lagi bersih membiru  
Hari harinya kian kelabu

Ku lihat yang lemah makin pupus  
Menjadi korban golongan rakus  
Moga yang punya kuasa bersifat telus  
Agar alam kita kembali mulus

*Sharifah Zakiah Syed Sahab*  
*JAS Pulau Pinang*





## *Si Angkuh*

Airmu mengalir dari hulu jauh ke muara,  
Jernih dan sejuk indah pandangan mata,  
Kau mengalir walau ada halangan tiba,  
Tiada henti hingga sampai ke laut nanti.

Tenang damai hanya sementara,  
Si angkuh tiba tak kira masa,  
Siang malam tiada berbeda,  
Toksik dibuang tidak terkira,

Cemar alam sang durjana,  
Keruh busuk tak terhingga,  
Datanglah keadilan selamatkan semua,  
Yang salah patut terima padah,

Angkuhmu dengan sikap duniawi,  
Pembangunan ada di sana sini,  
Riakmu seperti alam dah tak perlu lagi,  
Sedarlah si angkuh, tinggalkanlah untuk generasi,  
Apa yang nak diceritakan kalau dah tiada alam semulajadi.

*Noor Idawati Binti Ahmad*  
*JAS Pulau Pinang*





## *Titik Noktah*

Menderu,  
Menyusur laluan desa,  
Membelah dada kotaraya,  
Memuntahkan sisa bakar,

Ke udara  
Pekat berjelaga sampai bila?,  
Terkapai kapai menagih udara,  
Terumbang ambing menahan nyawa,

Si tamak mengejar angka,  
Sambil membuang sisa,  
Sungai sungai tercela,  
Hidupan air terseksa sampai bila?,

Oh bumi..  
Mampukah menampung lagi?,  
Beban kini,  
Beban esok,

Beban yang tak pasti,  
Sampai bila?,  
Apakah ada?,  
Titik noktahnya,

*JAS Selangor*





## *Dengarlah Pesanku..*

Ketahuiilah kawan..

Ketika kita gembira dengan kejayaan yang dicapai hari ini..  
Kita tidak pasti lagi apa yang akan dapat dicapai pada hari esok..  
Ketika kita mengangkat tangan menadah hujan yang turun..

Kita tidak pasti apakah masih akan turun hujan lagi membasahi tanah yang gersang ini..

Ketika kita menjamu selera di meja makan..  
Kita tidak pasti adakah masih ada yang tertinggal untuk dinikmati di masa akan datang..

Apa sahaja yang kita nikmati hari ini..  
Kita guna dan bazirkan hari ini..

Tidak pasti masih adakah yang tersisa untuk mereka yang kita tinggalkan..  
Oleh itu dengarlah pesanku..

Dunia ini bukan kita warisi..  
Tapi kita meminjam dari masa depan anak cucu kita..

Pulangkanlah sebagaimana kita ambil dahulu..  
Atau berikan mereka yang lebih baik dari itu..

*Mohd Shahir  
JAS Selangor*





## *Suara Alam*

Alam ini memberi  
Manusia itu menerima..  
Alam ini berbudi  
Manusia itu menuai..

Alam ini mengukuh  
Manusia itu melonggar..  
Alam ini menangkis  
Manusia itu mematah..

Alam ini menjernih  
Manusia itu mengeruh..  
Alam ini membuai  
Manusia itu membinggit..

Alam ini segar  
Manusia itu mencemar..  
Alam ini menebal  
Manusia itu menipis..

Manusia,  
Aku alam yang sedang sakit..  
Sakit dengan hakisan..  
Tumbang kerana pembalakan..  
Keruh air dengan pencemaran..  
Tekanan kerana bunyi bising yang mencengkam..  
Sesak nafas dengan asap yang menghitam..  
Makin lemah kerana ozon yang menipis..

Manusia,  
Mana metafora janji mu untuk menjaga ku?  
Juga amanah Tuhan untuk memelihara ku?  
Sedangkan aku bertahan..  
Untuk generasi mu yang mendatang..

Manusia,  
Sesungguhnya engkau telah lupa..  
Bahawa alam sedang derita..  
Menunggu masa membalas semula..  
Terhadap tamak haloba dan kerakusan mu manusia...

*Roslinda binti Hussin*  
*JAS Perlis*





## *Kau dan Alam*

Permulaan hidupmu disambut udara yg segar,  
Jejak langkah pertamamu di tanah yg menghijau ,  
Pokok-pokok menjadi teduhanmu saat kau lelah berlari,  
Sungai mendinginkan tubuhmu kala kau kepanasan dek Mentari,  
Laut yang luas mengisi perutmu dengan hasil khazanahnya,  
Tanpa meminta balasan alam menjagamu dengan kasih saying,

Namun,  
Mengapa saat kau dewasa,  
Udara kau cemarkan dengan asap yang menyesakkan,  
Tanah kau rodok sehingga luka yang tinggal terlalu dalam,  
Pokok kau tebang atas alasan pembangunan,  
Sungai kau jadikan tempat kau alirkan kekotoran,  
Laut kau jadikan tapak pelupusan,

Kenapa kau sakiti bumi tanpa sedikitpun belas kasihan,  
Kau lupa dunia hanya pinjaman,  
Janganlah kau lupa,  
Saat kau akan kembali kepada-Nya,  
Di manakah kau akan disemadikan?

*Zulkifli bin Amat (Zul@az)*  
*JAS Perlis*





## *Jangan... Jangan... Jangan...*

Jangan anggap mudah,  
Jujur menjulang alam..

Jangan anggap susah,  
Melestari flora fauna..

Jangan anggap sulit,  
Memulihara flora fauna..

Jangan anggap 'tak pa',  
Kelak semuanya binasa..

Jangan anggap 'biasa',  
Akibatnya hancur berduka..

Akibat kerasukan manusia,  
Yang alpa mengejar dunia..

Akibat ketelanjuran manusia,  
Generasi mendatang rugi sia-sia..

Tanyalah diri,  
Tanyalah hati,  
Tanyalah nurani,

Berbaloi kah anugerah ciptaan yang tidak ternilai ini?

*Munauwar bin Mansor (MM)*  
*JAS Perlis*





## *J.A.S*

J. A. S  
Jangan Anggap Senang,  
Amanah menjaga alam  
Misi mulia, amanah bersama

J.A.S - Juara Alam Semesta...  
Riak tampak tenang,  
Dibahu beban dibenam..  
Lautan turut direnang,  
Siang mahupun malam..  
Demi negara tersayang,  
Aman jiwa seisi alam..

J.A.S - Jejaki Amanah Seantero...  
fikiran tajam memerhati  
Nafsu dikurnia, akal dicipta,  
buat pertimbangan khilaf yang ada..  
jangan binasakan ia derita,  
kelak merugikan rakyat jelata..  
bahkan mengundang murka Tuhan yang Esa..

J.A.S – Jiwa Akan Sepi  
Dek serakah mengejar puncak masyhur dan megahnya diri  
Atas nama pembangunan dan pemodenan,  
Walhal rakus mencabul bumi yang tandus tanpa puas,

J.A.S – Jaga Akhlak Sesama  
J.A.S – Jiwa Aman Sentosa  
J.A.S – Jangan Aniaya Sesiapa...

*Himpunan Idea Nukilan Warga JAS Perlis*  
*JAS Perlis*





## *Bagaiakan Bumi Bersabda*

Wahai Tuhan pencipta alam..  
Kekaguman ku sulit untuk ku pendam..

Indahnya Alam ini  
Menelusuri Desa Damai di bumi permai  
Sungai mengalir bagaikan nyawa  
Berkicau burung bagaikan irama dewata

Wahai jasad bernama manusia  
Ingatlah,  
Bahawa alam ini adalah sesuatu yang tidak ternilai harganya..

Alam ini..  
Anugerah tuhan yang sangat istimewa..  
Keindahannya..  
Mencerminkan keperibadian manusia..

Lestarikan alam ini  
Tidak butakan mata, juga pekak kan telinga..  
Kerana bumi perlu djaga dan dikekalkan  
Keindahan Alam semesta kepada generasi akan datang....

Jangan langsung rakus  
Akibat alpa mengejar kemewahan dunia  
Demi memenuhi keserakahan jasad bernama manusia  
Lantas... Jatuh tersungkur, adakah masih menyembah bumi  
Atau yang tinggal hanya kegersangan di alam mimpi  
apakah alam ini diwarisi atau dimiliki.

*Himpunan Idea Nukilan Warga JAS Perlis  
JAS Perlis*





## *Bumi dan Langit Milik Insani*

Lihat di atas sana,  
Langit biru kita masih ada,  
Awan putih masih sudi menemani,  
Burung tidak segan berterbangan,  
Hadirkan ketenangan buat yang memerhati.

Beda sungguh rakannya si bumi,  
Merintah sayu meratapi takdir,  
Rakus dinoda dan terus diperkosa,  
Dek kapitalisme dan ketamakan haloba.

Apakah masih ada,  
Jiwa-jiwa yang masih cinta?  
Akal budi yang masih suci?  
Akan masa hadapan yang lebih bererti,  
Buat bumi yang sedang merintah,  
serta langit yang kian sepi.

Bahaya apa yang bisa menanti,  
Jika terus tidak peduli,  
Lantaran jiwa tidak memahami,  
Bumi dan langit milik insani.

*MASK*  
*JAS Johor*





## *Kalaulah*

Kalaulah....  
Pohon itu masih ada,  
Rerama akan berterbangan mengelilinginya,  
Beburung akan berkicauan di dahannya,  
Kumbang akan mendatangi bunganya,  
Dan aku sesekali berteduh di bawahnya,

Kalaulah....  
Pohon itu masih ada,  
Bumikan terasa sejuk dan segar,  
Bayu ada tempat untuk bermesra,  
Tanah ini akan ada yang memegangnya,  
Dan aku sesekali lelap di bawahnya,

Kalaulah....  
Pohon itu masih ada,  
Penyair akan berilham dan berseloka,  
Pelukis akan berkarya dengan gembira,  
Pelakon akan bercerita dunianya yang maya,  
Dan aku sesekali hayal di bawahnya,

Kalaulah....  
Pohon itu masih ada....

*Noor Mohd Emran bin Amir*  
*JAS Johor*





## *Khalifah Alam*

1974

Nukilanku bukan sekadar mimpi  
Nukilanku bukan sekadar ilusi  
Nukilanku bukan sekadar puisi  
Nukilanku untuk mencari resolusi

1975

Lahirku bukan untuk mengubah ciptaan  
Lahirku bukan menongkah arus  
Lahirku bukan merintang alur  
Lahirku demi kelastarian alam

1983

Hadirku bukan sekadar mengisi ruang  
Hadirku bukan untuk meracun  
Hadirku bukan untuk menghukum  
Hadirku demi menjaga kemakmuran

2020

Walau arus berubah haluan  
Pendemik mengongkong pergerakan  
Wasasan ku tidak terhenti disini  
Perjuangan tetap diteruskan

*Mohd Amin bin Ghazali*  
*JAS Johor*





## *Bumi*

Damai kehidupan simbiosis manusia, flora dan fauna,  
Setebal hutan amazon dan sekecil pohon bunga,  
Berjasa kepada manusia sepanjang hidupnya,  
Tanpa hirau bencana, masa dan ketika, menabur bakti setia.

Manusia,  
Ketamadunan pesat membangun memenuhi keperluan globalisasi,  
Semegah Burj Khalifa dan sehebat Silicon Valley,  
Terus membangun dipelusuk lokasi,  
Menghias dan mewarnai permukaan bumi.

Alam Sekitar,  
Sedikit demi sedikit dimamah dan dilapah,  
Memenuhi kerakusan dan segala lahap sang manusia,  
Meneroka di segenap bumi memburu hasil membangun prasarana,  
Tanpa hirau bahana buruk pada biosfera.

*Muhammad Johan Iskandar bin Zahari*  
*JAS Johor*





## *Pusaka Alam Rimba*

Alam,  
Panas yang membakar bumi ini,  
Hangus menjilat segala kehijauan,  
Hamparan langit bertukar menjadi kelabu,  
Keruhnya sungai bagaikan air sakit,  
Hilanglah segala seri kebiruan alam,

Dalam keperitan terik panas ini,  
Aku merindui pada sang hujan,  
Aku kepingin pada tiupan angin,  
Aku terkenang warna indah pelangi,  
Aku mencintai alam semesta ini,  
Lantas sanggar bayu akan aku bina,  
Menjadi hentian sanubari,


Manusia,  
Sungguh kejamnya wahai insan,  
Tangan yang penuh dengan dosa dan noda,  
Tanpa rasa bersalah mengaut keuntungan,  
Memusnahkan alam segala-gala,  
Hati yang tidak bertimbang rasa,  
Tamak haloba membunuh penghuni dunia,

Kemana kan ku membawa sisa kehijauan,  
Semakin kerdil di bayang kemewahan,  
Manusia menyahut panggilan kemajuan,  
Mereka alpa pusaka alam rimba ini,  
Hanyalah pinjaman seketika,  
Kita bukan pemilik mutlak,

Alam,  
Ku dirikan sanggar bayu ini,  
Untuk tempat laluan sang angin,  
Burung-burung terbang berkicauan,  
Ungas-ungas menyanyi riang,  
Dilubuk ikan-ikan berenang sambil bermain,  
Alam flora menari gembira,

Harapan yang agung mengubati sendu,  
Manusia berhentilah merobek isi alam,  
Kita pelihara sisa-sisa kehijauan ini,  
Kita melestarikan pusaka rimba,  
Kerana kita penentu warisan alam.

*JAS Melaka*





## *Sungai Menangis*

Dari atas pergunungan,  
Menahan sakit melawan tanah,  
Dipukul batu dipukul kayu,  
Mencari –cari jalan penyudah,  
Tak senang nak bertemu lautan,  
Sentiasa diuji namun nampak tenang,  
Tak hanya tenang namun turut mendamaikan,  
Hati yang dengar mata yang lihat,

Aliranmu sejuk, suci lagi berbakti,  
Kepada pepohon sekitar kau mejadi keperluan,  
Kering layu tanpa kehadiranmu,  
Kehausan si raja hutan, unggas dan rakyat Sulaiman,  
Menyerah dirimu jadi hirupan penghilang dahaga untuk meneruskan hidup,

Sayang,  
Dirimu diperlaku tak selayaknya,  
Manusia berakal tidak di kepala,  
Mengejar kemahuan kehidupan, meminggir kesucianmu,  
Kau dinoda sesuka hati, warnamu yang putih jernih, kualiti mu yang kelas satu,  
Dicemar effluen industri, dirosak pembangunan tak bervisi,  
Yang rosak perlu dipulihara, jangan lagi menangis,  
Mereka sedar dan sedang berusaha, mereka boleh,

Kalau tidak...  
Masakan Tuhan menjadikan manusia itu khalifah.

*Alinshahana  
Jas Melaka*





## *Sungai Yang Sepi*

Dulu...

Di sini tempat kita bercanda,  
Bersama teman dan saudara,  
Deras arus jernih airnya,  
Sepat dan keli turut gembira,

Kini...

Aku pulang kerana rindu,  
Ingin mengulangi rentak yang dulu,  
Namun pilu langkah ku,  
Engkau berubah tidak seperti dahulu,

Bertanyalah hati ini,  
Mengapa begini terjadi,  
Tiada lagi sepat dan keli,  
Ternyata... Sungai itu telah sepi,

Akanku pulih jasadmu,  
Akanku belai jiwamu,  
Dengan semangat tanpa jemu,,  
Agar dikau kembali seperti dulu...

Mungkinkah...

*Hamzah,  
JAS Sarawak*





## *Hutan*

Di senja itu  
Aku memandangi lesu ke hutan sepi,  
Hutan yang tanpa canda dan yatim piatu,  
Tiada lagi kicauan burung syairnya yg sunyi,  
Bahkan sang air mengalir lemah,  
Mencari sang ikan yang sebelum berpisah tiada,  
Hutan yang dulu nya riang ,  
Kini sepi bagaikan kuburan tanpa pengunjung.

Ahh..  
Itulah rakusnya tangan tangan manusia,  
Mana mungkin si kera yang berahikan sang kertas,  
Yang menjilat madu untuk mendapatkan manis nya,  
Mana mungkin sang gajah yang gagah,  
Yang merobek robek dahan untuk mendapatkan rebongnya,

Pandang.....pandanglah wahai insan,  
Gerakkanlah mata hati mu,  
Dengarlah suara alam yang lesu,  
Pandanglah wajah langit yang kian kabur,  
Hasil kerakusan jiwa dan kenakalan nafsumu,

Di senja lewat itu,  
Aku memandangi lagi ke situ,  
Dengan manik manik putih menghiasi pancainderaku,  
Akal ku berputar ligat,  
Adakah warna warni pelangi alam...  
Akan kembali lagi....?

*Abidi.*  
*JAS Sarawak*





## *Melihat Ke Langit Belaga*

Hidup ini seperti mendaki gunung,  
Harus bersusah payah terlebih dahulu,  
Melihat awan kabus menyelimuti,  
Hanyut dalam perasaan damai,  
Bersama pokok-pokok hijau menutupi

Sekadar renungan buat rakan sahabat,  
Agar tidak leka menjaga anugerah duniawi,  
Selama masih diberi umur yang panjang,  
Rezeki melimpah alam luas tidak bertepi

Alam adalah guru sejati,  
Yang mengajar seribu erti,  
Lihat dunia dan kita belajar menghargai,  
Pada akhirnya akan menemui damai dihati

Jika kita renungkan dengan mendalam,  
Dalam setiap senja bertemu kasihNya,  
Jangan biarkan alam menjadi bimbang,  
Sentiasa beringat dan berpulang pada alam

*Abdul Mazli Hafiz Abdul Malik*  
*JAS Sarawak*





## *Surat Kecil Dari Bintulu*

Sekadar renungan buat rakan sahabatku,  
Agar tidak leka menjaga anugerah duniawi,  
Selama masih diberi umur yang panjang,  
Rezeki melimpah alam luas tidak bertepi

Hidup ini seperti mendaki gunung,  
Bersusah payah terlebih dahulu,  
Kelak di puncak kita akan bersyukur  
Dalam selimut awan dan permaidani hijau pepohonan

Alam adalah guru sejati,  
Yang mengajar seribu erti,  
Lihat dunia dan kita belajar menghargai,  
Pada akhirnya akan menemui damai dihati

Setiap hari bertemu kasihNya,  
Memohon kekuatan seorang khalifah,  
Jangan biarkan alam bimbang dan resah,  
Teruskan mendaki ke sana sahabatku,  
Kerana kitalah khalifah itu

*Abdul Mazli Hafiz Abdul Malik*  
*JAS Sarawak*





## *Pesan Pada Kawan*

Kawan,  
Semalan kita dicemuh,  
Oleh pendekar maya menerajang kerja kita,  
Kau katakan padaku,  
Jangan berputus asa

Kawan,  
Hari ini ada lagi pihak bersuara,  
Lantang tapi punya agenda,  
Kau katakana,  
Ini memang tugas kita,  
Teruskan berjalan, jika penat berlari.

Kawan,  
Semua perkara dilambak pada kita,  
Aku tidur bersama lelah,  
Kau katakan,  
Ini tanggungjawab kita,  
Galaslah selagi usia tersisa,  
Buat bekalan di hari sana,

*Abdul Mazli Hafiz Abdul Malik,  
IAS Sarawak*





## *Sepetang Di Tanjung Batu*

Indah,  
Suasana pantai di petang hari,  
Berjalan mengutip sisa dan batu,  
Dipenuhi manusia penuh makna,  
Menikmati pemandangan mentari petang,  
Sebelum hilang berganti bintang

Jika pernah diriku terlupa  
Manusia hanya seperti batu kerikil  
Alam mengajar hidup seperti laut  
Ada pasang surut tapi tak berubah rasa

Sebelum terlupa tujuan asal,  
Ku hanya ingin memperbaiki hidup,  
Berbuat baik selagi usia tersisa,  
Bersihkan alam dengan tanggungjawab,  
Bekalan belayar menuju ke seberang

*Abdul Mazli Hafiz Abdul Malik,  
IAS Sarawak*





## *Lara Sang Alam*

Dulu,  
Bunga-bunga mekar mewangi  
Harum baunya menusuk kalbu  
Rama-rama berterbangan riang  
Berwarna-warni menyinari taman  
Bekejar-kejaran ikan di sungai  
Bersama sang udang dan juga ketam  
Indahnya alam ciptaan Tuhan  
Hidup harmoni tiada kekangan

Kini ,  
tiada lagi kudengar kicauan burung  
Nyanyian cengkerik juga semakin sepi  
Awan gemawan berarak lesu  
Sang suria kian hilang serinya  
Betapa, alam semakin sedih  
Semakin pedih  
Lukanya tiada yang tahu

Rakusnya manusia kala ini  
Biarkan bukit menjadi dataran  
Kejamnya manusia pada alam  
Biarkan pepohon menyembah bumi  
Tiada lagi dedaunan kehijauan  
Menyambut aku tatkala melewati susur jalanan

Peritnya .....  
Sakitnya.....  
Tiada yang fahami  
Tiada yang simpati  
Tiada yang peduli

Di mana keadilan?  
Masihkah pada dada kertas?  
Di manakah kemanusiaan?  
Masihkah lena diulit mimpi?

Bangunlah semua!  
Pertahankan alam kita  
Untuk bekalan generasi muda  
agar dapat mereka hidu bauan yang segar  
dari rimbunan rimba yang megah  
tiada yang rebah

*Rozeiman Mat*  
*JAS Sarawak*





## *Syair Alam Sejahtera Kita Bahagia*

Terbitnya sinar mentari pagi  
Cerahnya langit di saat ini  
Bayu berpuput terasa di pipi  
Udara segar nyaman sekali

Di dalam taman bunga berkembang  
Sambil si burung riang bersembang  
Lebah pula menjadi lambang  
Ungkapan madah cendekiawan terbilang

Usah biarkan alam tercemar  
Hingga rosakkan kewanggian mawar  
Tiada habitat untuk Si camar  
Di dada langit berlegar-legar

Wahai manusia sedarlah semua  
Alam ini pinjaman sahaja  
Jadilah bangsa yang baik akhlaknya  
Menjaga alam untuk semua

Biarkan burung bebas di angkasa  
Terbang berkawan melewati masa  
Bersama kita jaga sentiasa  
Alam harmoni kita sejahtera

Setiap detik perlu dikira  
Betapa manusia selalu leka  
Nikmat dunia bersifat sementara  
Hargai alam sebelum menutup mata

Sekian sahaja buat semua  
Sepuluh jari tersusun rata  
Syair ini hanyalah karya  
Sebagai nasihat kiasan kata

*Rozeiman Mat*  
*JAS Sarawak*





## *Perjuangan*

J auh mentari diufuk memancar  
A rakian menyahut seruan Illahi  
B umi diseliputi pemandangan nan indah  
A lam anugerah dari Illahi  
T erikan suara unggas  
A mat menikam terasa dikalbu  
N yanyian dan kicauan yang mencengkam kalbu

A lam Sekitar....  
L uahan perasaan sang mahluk yang tak bisa berbicara  
A mat sedih terlihat yang tercemar  
M anusia tiada berhati peduli

S etitik belas tiada tersimpan di benak hati  
E ntah.. seutas sifat tanggung jawab tiada tertanam  
K ekayaan dicari.. amanah diabaikan  
I nilah...

T angan manusia membinasakannya  
A lam sekitar tak seindah dulu  
R indu akan suasana yang tercipta dahulu

S ekarang ada suara suara membela  
A lam akan terbela  
R intihan penghuni akan terbela  
A lam akan kembali dengan keceriaannya  
W alaupun tak seindah dulu  
A lunan gelombang yang memecah pantai  
K urniakan nyanyian pembelaan dan perjuangan

*Ibrahim Putit*  
*JAS Sarawak*





## *Langit Biru, Bumi Hijau*

Biru langit dipupuk awan,  
Burung nyiong berkicau riang,  
Indah permai alam terbentang,  
Hijau bumi anugerah Tuhan,

Nun di sana awan berarak megah,  
Membawa petanda hujan bakal menyinggah,  
Membawa nikmat anugerah Tuhan,  
Untuk penghuni penuh melimpah.  
Namun kini sisa beracun yang datang menyinggah,  
Akibat kerasukan insan bertuah,

Padi menghijau, jauh terbentang,  
Damai terasa di khaltulistiwaku,  
Peluh keringat di bawah mentari,  
Moga denai itu bakal menyejukkan hati,

Duhai insan, duhai teman,  
Ayuh bersama lestarikan alam,  
pedang perjuangan harus disemat,  
Agar bumi menghijau, langit membiru terus dilihat,  
Demi anak bangsa generasi terbilang.

*Junaidah Hussin*  
*JAS Negeri Sembilan*





## *Hutan Dinodai*

Jika manusia terlalu rakus,  
Hasil hutan pastikan lupus,

Jika sisa dibuang merata,  
Hilanglah seri dilaman kita,

Jika alam sering dicalar,  
Pudarnya kasih alam sekitar,

Jika ranap alam yang hijau,  
Hidupnya insan kacau dan bilau,

Jika kuntum penghias mata,  
Indah mekar ungkapan kata,

Jika hijau lambangnya tenang,  
Pantulan dari hati yang girang,

Jika kelam bertukar rupa,  
Alam buana tersenyum gembira,

Jika kembang bunga di taman,  
Hidup ceria watannya aman

*Abdullah Mustafa*  
*IAS Negeri Sembilan*





## *Corona Hijau*

Corona....

Hadirmu membawa makna kepada dunia sejagat,  
Mendidik manusia erti kebersihan,  
Menanam insaf pentingnya alam sekitar,

Ya .. hadirmu mengurangkan pencemaran alam  
Udara .. semakin segar nyaman dihirup  
Air sungai .. semakin berkualiti mengalir jernih  
Air laut .. semakin membiru mengombak deru  
Tanah .. semakin subur menghijau maju

Corona ..

Keraname manusia mengenali amalan norma baharu  
Menghakis amalan rakus manusia cemari alam .. untuk  
Menghargai sumber alam  
Menghargai masa  
Menghargai kebersihan  
Menghargai amalan hijau

Corona ..

Cuma satu permintaan kami .. cukuplah pengajaran itu  
Pulanglah ..

*Amirul bin Aripin*  
*JAS Sabah*





## *Nota Cabaran 2021*

Dua ribu dua puluh satu  
Korona belum pergi  
Kita terus cekal di sini  
Menjunjung amanah diberi

Januari makin melabuh tirai  
Makin hari korona terus meninggi  
Kemaskan langkah atur posisi  
Merencana visi teguhkan misi

Februari bakal menjengah ke mari  
40elah40a40 terus bernafas  
Usah dibiarkan sungai kian lesu  
Janganlah udara sesak berdebu  
Tanah pertiwi kekal menyubur

Di jalan ini jenuh berliku  
Badai dan 40elah silih berlalu  
Kisah suka sering dilupa  
Yang hambar selalunya tular

Namun tidak sekali menyerah  
Tekadkan semangat teruskan berjuang  
Langkah wira pantang berundur  
Sang pencemar pasti digempur

Bukan puji yang dicari  
Apalah nilainya harta menanti  
Padukan jiwa tuluskan hati

Teruskan berbakti  
Demi Yang Maha Memberi

*MFS*  
*JAS Kedah*

*Nota : Didedikasikan buat seluruh warga JAS*  
*Anda jugalah frontliner*





## *Mentari Senja*

Sewaktu engkau melabuhkan tiraimu  
Cahaya mu tidak seterik tadi  
Lembayung jingga mu menyinari  
Memandang mu jelas penuh erti

Engkau pemisah di antara dua waktu  
Menutup perjalanan hari penuh makna  
Menjadi petunjuk kebesaran Ilahi  
Memberi makna insan berfikir

Waktu ini di manakah insan  
Adakah tenggelam bersama dunianya  
Mentari senja pasti melabuhkan tirainya  
Begitu juga insan yang bergelar manusia.

*M\_sah*  
*JAS Kedah*





## *Alam*

Pandanglah alam ini seperti melihat dirimu,  
Peliharalah alam ini seperti menjaga dirimu,  
Belailah alam ini dengan belaian manjamu,  
Tidaklah engkau miliki selain yang engkau berikan,,

Andai alam ini musnah dimana pula tempatmu,  
Engkau merintah dikala kesusahan,  
Namun engkau hanya memandang dikala alam merintah akibat kemusnahan,  
Saat itu engkau hanya tahu mencari salah itu dan salah ini,

Tidakkah engkau merasa amanah kepada sang Pencipta,  
Tidakkah engkau melihat kebesaran sang Pencipta,  
Alam yang dicipta sempurna menjadi pelengkap hidupmu,  
Apakah sebenarnya yang kau cari dalam hidupmu,  
Adakah keuntungan dalam kemusnahan semata-mata?

*ALAM SEKITAR Tanggungjawab BERSAMA*

*M\_sah  
IAS Kedah*





## *Air*

Liuk lentukmu ibarat gadis sunti  
Menyusuri lembah, gunung dan sungai  
Kau gagah menghentam batu dan kayu  
Sucimu jernih lagi menyucikan

Hadirmu nyaman dan mendamaikan  
Memberi menafaat setiap yang bernyawa  
Memberi harapan bagi yang berusaha  
Tiada mu gelisah ditunggu tunggu  
Hati tak keruan hajat tertanggung

Kau anugerah Ilahi yang disyukurkan  
Menghadap Sang Pencipta kau diperlukan  
Benih terjadi asbab dari mu  
Benih menyubur dari pengorbananmu

Kau dihirup dan dijenamakan  
Dari percuma hingga dimewahkan  
Hilangkan 43elah bila diteguk  
Memberi pulangan dalam keuntungan

Jika kau dicemarkan  
kau tidak apa-apa  
Kau tetap mengalir mengikut fitrahmu  
Resah, gelisah dikembalikan kepada mereka  
Rawatmu tak semudah kau mengalir

Pentingmu hingga perlu diwakafkan  
Pandangan ke hadapan demi kelangsungan  
Demi generasi sekarang dan mendatang  
Wakaf air bagi menjamin kelestarian

#Wakafair

*M\_sah*  
*JAS Kedah*





## *Lagu Alam... Aku rindu*

Deruan air terjun, kini sepi  
Kicauan burung, kini lagunya lain  
Hutan simpan tidaklah seindah dulu  
Warnanya lain, tiada lagi hijau pekat  
Yang ada, dedaun yang keuningan

Aku rindu  
tika mentari mengintai di celahan daunan  
Lalu embun pun berlalu

Aku rindu  
Saat malam menjengah  
Dan kesejukan menggigit hingga ke tulang  
Namun kini, lapisan ozon kian menipis  
Dan kesejukan itu, kian menghilang  
Yang terasa, bahangnya mentari Menyambar kulin sang petani

Aku rindu  
Pada sungai yang jernih airnya  
Ikan yang menjadi rezeki sang nelayan  
Kini hitam pekat airnya  
Telah tiada lagi hidupan  
Setiap hari  
Aliran pekat sisa toksik Mengalir ke dalamnya

Rindu ini  
Mungkinkah terubat  
Kerana segalanya bermula dari kita  
Teruskan atau hentikan

*Izah Saad  
JAS Kedah*





## *Hijau Ku Rindu*

Terima kasih Tuhanku membenarkan  
Manuris seperti aku massif bernafas di bumimu  
Walaupun manusia seperti aku  
Sememangnya alpa, sememangnya leka diulit nikmat duniawi

Ala mini hadiah yang tidak ternilai bagi manusia seperti aku dan kau,  
Yang tidak mampu dinilai dengan nisbah,  
Mengapa kita terus leka? Adakah kita lupa janji yang dilafazkan?  
Didalam kalam yang termaktub?

Ya.... Demi.... Wang,..... Ya demi harta... Ya demi nama dan pangkat,  
Dirimu terus diteroka, dirimu terus di robek, dirimu terus diterobos,  
Tanpa sedar .... Akibat dan sengsara yang melanda,

Dirimu hijau yang ku rindu semakin hari semakin rebahl dek penanganan manusia  
seperti aku dan kau  
Semakin hari semakin punah ...tidak bersisa baki  
Unggas yang dahulunya tawa ria kini sengsara duka lara,  
Sungai yang dahulunya mengalir deras kini lesu dan terus kaku,

Apabila ku sedar,  
Dirimu semakin tenat dan sakit,  
Semakin tua... Dengan dosa yang manusia seperti aku dan kau lakukan....  
Ayuhlah kita memacu tekad dan Langkah,  
Menjaga alam yang masih bersisa baki,  
Demi kelestarian,  
Dan demi generasi yang mewarisi.

*Tun Teja*  
*JAS Perak*





## *Percuma Yang Tidak Ternilai*

Telah diketahui sejak dahulu lagi  
Namamu terpahat dalam kitab-kitab suci  
Namamu tertulis acap kali  
Dalam lembaran sejarah pasti

Orang bijak pandai berkata, engkau asas kehidupan  
Pengkaji sejarah berkata, engkau pusat ketamadunan  
Para jurutera berkata, engkau penjana tenaga berpanjangan

Ada pula yang kata, engkau dari langit membawa gembira  
Ada juga yang kata, engkau dari tanah membawa Bahagia

Apabila engkau menghilang pergi  
Membawa resah alam haiwani  
Mencetus migrasi  
Yang berbondong-bondong, bertali-tali

Yang kecil dan besar pelbagai tidak terperi  
Mengejar harapan berkompaskan naluri  
Yang diasuh dari azali  
Zaman berzaman dahulu lagi

Dari jauh jejak meninggalkan debu menggunung  
Siang malam, penat tidak tertanggung  
Betapa engkau harapan terulung

Berbeza sungguh sikap manusiawi  
Hadir engkau di tengah urbanisasi  
Setiap hari engkau cuba menyapa hati  
Namun tidak didengari sanubari suci

Wujudmu dibiarkan mengalir sepi  
Tangismu sayu tidak diratapi  
Sabarmu sentiasa diuji tanpa henti

Aliranmu kini  
Sesak, 46elah, 46elah dan basi  
Membawa sisa tidak terdegradasi  
Warnamu kini  
Gelap, malap, hitam, padam, suram penuh sangsi  
Berlalu pergi membawa bau dan loya dibenci  
Beginikah balasan yang layak diberi?  
Kepada penjasa ulung, si tua sakti





Walau begitu penat, tidaklah engkau peduli  
Tetap teguh ingin berbakti  
Walau tahun, dekat dan abad terus berganti  
Susuli bakti tidak terhenti sehingga mati

Berbeza sungguh sikap manusiawi  
Akal diberi namun tidak mahu memahami  
Hanya segelintir di sana sini  
Menulis, melukis dan menyeru, membawa suara yang minoriti

Masihkah kita leka bersulam mimpi  
Berdiri megah dengan kemajuan, namun kaki menginjak-injak pertiwi duniawi  
Bertopengkan senyuman, namun gigi mengetap-ngetap kepahitan abadi

Bangunlah jiwa, khalifah bumi  
Junjunglah titah, amanah Ilahi  
Semaikan bakti, belajarlah memberi  
Kelak amalan, tetapliah ditimbang

Cuba lah renung dalam diri  
Anugerah hidup telah diberi, telah dirasai  
Renungkan apa yang akan ditanya nanti  
Sepanjang hayat telahkah sempurna bakti diberi

Wahai sungai neknda pertiwi  
Ampun atas kealpaan selama ini  
Melupakan jasamu dan membangga diri

Kami insan kerdil usia sehari  
Ajari kami merendah diri  
Bagaikan aliranmu dari puncak tinggi  
Sanggup selusuri turun membasahi  
Denai dan sawah rendah di kaki petani

Keranamulah sang akar berubi  
Keranamulah padi menguning penuh berisi  
Mengisi perut manusia tanpa henti

Terima kasih atas jasa yang tidak pernah minta dibalasi  
Jutaan tahun engkau mengalir, membentuk urat dan nadi  
Di atas bumi yang kini kami gelari  
SUNGAI, jasamu tidak terperi

*Harmanisham bin Ishak,  
IAS Perak*





## *Apa Lagi Yang Tersisa?*

Apa lagi yang tersisa buat kita?  
Bumi yang sejuk atau nyaman?  
Suasana bayu yang segar?  
Atau sungai yang bugar?

Apa lagi yang tersisa buat kita?  
Bila rimbunan kita pangkah,  
Aliran sungai menjadi Aliran Sampah,  
Jerebu melata di pelosok tempat.  
Sosok haiwan hanya bangkai bernyawa.

Apa lagi yang tersisa buat kita?  
Bila alasan kemajuan ditunduk?  
Bila akta hanya sebagai rujukan?  
Atau jika cita ditolak, duit bertindak?  
Jadi apa sisa buat kita?

Apa lagi yang tersisa buat kita?  
Ada, masih ada yang tersisa.  
Maka sisa inilah yang kita hargai.  
Buat anak cucu adam di masa hadapan.

Menghadap lautan dan sungai membiru.  
Mendaki bukit rimba penuh nyaman enak.  
Mendakap haiwan dengan sayang.  
Melihat langit tanpa hijab.  
Kerana sisa alam ini, milik kita semua.

*Muhammad Nadzmi Bin Zamri,  
JAS Labuan*





## *Kongsi*

Kita saudara berkongsi udara.  
Di bawah satu awan stratus,  
Di bawah satu gelombang pelangi.  
Di bawah bayu bertiup segar.

Kita saudara berkongsi air.  
Pantai itu tempat kita bermain,  
Sungai itu tempat kita berehat.  
Biruan indah penenang jiwa.

Kita saudara berkongsi tanah.  
Membajak sayur di tanah ini,  
Menyubur buah di kebun ini,  
Berjalan kaki di tanah yang sama.

Kita saudara berkongsi alam.  
Bukan milik kamu bukan milik aku.  
Tetapi milik kita bersama.  
Tidak lebih tidak kurang.  
Kerana kita saudara, berkongsi alam.

*Hasil Nukilan: Muhammad Nadzmi Bin Zamri  
JAS Labuan*





## *Khalifah*

Cahaya... bila ia tiba,  
Ramai yang akan gembira.  
Kehadirannya memulihkan semangat  
Yang semakin jatuh dalam diri manusia.  
Bila cahaya itu pudar, maka semangat juga akan luntur...  
Luluh ibarat dibasuh hujan derita.  
Angin, bila ia tiba sepoi-sepoi bahasa,  
Ramai yang memuji,  
Ramai yang sukakannya,  
Tidak kira dari mana datangnya ia.  
Namun bila ia bertukar menjadi taufan,  
Semua gerun, pincang dan derita.

Air, bila ia dingin, tenang... bersih,  
Tiada siapa yang mampu menyangkal kehebatannya.  
Ibarat sungai mengalir lesu, indah dan damai,  
Penyejuk mata dan jiwa.  
Tapi jika ia menjadi bah, musnah... rebah,  
Apa saja ditelannya.

Begitulah ibaratnya kehadiran manusia.  
Diri memilih antara dua, pemelihara atau pembinasa.  
Satu jasad pelbagai karektor,  
Semuanya dipandu akal dan fikiran.  
Jika ia terkeluar dari landasannya,  
Semuanya akan binasa.  
Karektor alam, pelbagai fungsi kewujudannya.  
Maka disitulah peranan seorang **KHALIFAH**  
Mentadbir alam dengan bijaksana.

*Mohd Shahrin bin Mudzarap @Mamnsor  
JAS Pahang.*

